

Rok President  
Thomas S. Monson



# Gapas, Dam Mithmith

**R**eb erran boechi duw ni ke yaen, tomuren kug mu' boech e muruwel u office rog, Kug thamiy e thamtham nib gel ningu waen ngug nang fan rebe pinn ni ke yim' pomm'on rok irbe paer ulane tafan e gidii' nikar labthir ulane Salt Lake City. Kug waen u karo rog nib papay.

Nap'an kug taw nga singil rok, Demo' bee' riy'. Kug fith ngak bee' ko bu'uw ni ke yaen ngan me pii'eg nga reb e singil ko tofan. Aram kug piry'eg cha'ney ma irbe sabethin ko e walagen nge reb e fagar rok. Kug sabathingaed mug faflaen'gaed uta'abang.

Nap'an e sabethin romaed, reb e mo'on ke yib nga singil ere rayog ninge fek e cola ko vending machine. Ke sap ngog me yog, "Arragon, i gur i Tom Monson."

"Arragon," Kug fulweg. "Gab wad ya'an i Hemingway."

Ke yoeg i'ir e Stephen Hemingway, fak Alfred Eugene Hemingway, ni ke pigpig ni counselor rog nap'an gag reb e bishop boech i duw ni ke yaen mug pinning fithingan ni Gene. Stephen ke yoeg ni chitamangin e bay kore ta'abrogon e facility nam me ke chuchgur ni nge yim'. Gene e yugbe yoeg fithingag, nge tabinaew rok e kar gayed rogon ningar noned ngog machane dab kar piriyege'ed e numba ko telephone rog.

Kug chuw ko pi cha'nem mug warow Stephen nga singil ko counselor rog, ni bay urngin e bitir rok nikar mo'olungaed, e pinn rok e ke yim' boech e duw faram.

Chongin e tabinaew kar lemnoged ni kug mada'nog e Stephen u tafan e tofan i'ir e fulweg ko e Got ni Chitamangdad nu Tharmiy ko adag roraed ningu guyed e chitamangraed ou'moon nira yim' mug fulweg e ning rok. Mug thamiy ni ta'abrogon, bachane fa'anra Stephen dabki yib nga singil nem nap'an kug sabethin ko binem e ngiyal' nike rin', dabkug nang ni bay Gene ko rigin'nam.

Kug yibliynoged. Me yib e ya'el ko gapas. Kug sabathingaed nib fel', ma tomuren kug waen.

Bin magid e kakadabil kug thapeg e phone call me yog Gene Heminway nike yim'— riliw e minute tomuren ke thapeg fare taw'ath ni kug pii'ew ngak i gag nge fak.

Kug gog e meybil ko magari ngak e Got ni Chitamangdad ko tharmiy ko ayuw Rok, ni ke pinninged ningu waen kore care center nem me pii'eg nga fagar nib t'uf ngog i Alfred Eugene Hemingway.

Guba'adag ningu lemnog ni lem ku Gene Heminway fare nep nem—nap'an kug thamiyed e gwael ko Ya'el, mug ninged e meybil nib sobut'aen', mug pii'ed e taw'ath ko priesthood— Pilung, "Master, the Tempest Is Raging":

*Dam maen, O Tathapeg nib Taw'ath!*

*Dabkum pageg biyay,*

*Ma fithik e falfalaen e gura taw'ath nage dapil'ayey*

*Mug tofan u dapil'ayey nib fel'.*

Kab t'uf e re tang nem rog ma gube micheg nima pi e gapas.

*Dariy fan gelgin fare yoko' u madaey  
Fa mo'oniyen fa gidii fa demitrug banen,  
Dariy ba pa' I raen nira ful' fare barkow ko gin  
nibay riy  
Fare Pilune ko daey nge faileng nge tharmiy.  
Yad gubin niyad ra fol rom:  
Gapas, Dam mithmith.<sup>1</sup>*

Udakaen e maaf luwag nge sikeng, ufithik e rus nge kirebaen', ufithik e amith ko gum'racha' nge kirebaen' ko yam' e gidii' nib t'uf, bay e milwol ni yafas nib manemus. En Somoel nge Tathapeg rodad i'ir e m'ag ko tin riyul' ney.<sup>2</sup> E thin rok e be u chepin thothup ba fel': Dam mithmith, mu nanged I gag Got" (Psalm 46:10). Gube pii' e m'ag ko riyul' ney.

#### NOTES

1. "Master, the Tempest Is Raging," *Hymns*, no. 105.
2. Mu guy Richard L. Evans, "So Let Us Live to Live Forever," *New Era*, July 1971, 18.

## ROGON NI NGAN FIL KO BINEY E MULWOL

E milwol ney ra pii' ayuw ngak e gidii' nibe gafgow nibe yim' bee rok n fa gidii' nibe gafgow ko sikeng. Ko milwol rok President Monson, mu lemog ningam pii' reb e scripture, ko tin nib t'uf ko gidii' ni ngam fil ngak: Job 19:25–26; 1 Corinthians 15:19–22; Mosiah 24:13–15; Doctrine and Covenants 122:7–9. Fa'anra be fel', rayog ningam pii' e m'ag marung'agen e gapas ku en Tathapeg ni ke pii' ngom nap'an e sikeng.

## FAL' YANGREN

### Wenig Ningam Gol Nag Gum'racha'eg

Rok Kelsey LeDoux

**N**ap'an erran ni ke yim' e walageg, Kug sul nga dakaen e cheppin rog mada' ko ngiyal nibe yim'. Kug pug erran gathi kemus e gafgow nib almarin machane urngin e taw'ath Got ke pii' ngog.

Dabiyog ningu nang fan urrogon e gidii' nima yoeg ni yam' ku bee' nib t'uf era pinning e taw'ath. Dabkug nang fan urrogon rayog ningu thapeg e faflaen nge magaer ko ban'en ni ke pii' ngog e gafgow nib almarin. Reb e nep, machane, kug thiliyeg e lem rog nib polo'.

Kug od u lukngun e nep ni ke gafgow e gum'racha'eg nibe kireb. Fare gafgow ebe uchluweg. Kug ragbug nga but mug yornag e meybil ngak Got ni Chitamangdad nu Tharmiy. Ko gubin e yafas rog kug fil marung'agen e Bayul nge Yesus Kristus nge ma'ang'ang i gelngin ninge golnog. Chiney ke sikeng nag e mich rog. Gube michuwaen'? Kug fith e Chitamag u Tharmiy ninge golnog e gum'racha'eg. Marib almarin e gafgow ngog dabiyog ningu thap ni yogo'gag.

Me yib e thamiy ko gapas, gol, nge t'ufeg ni ke yib ko polo' e doweg. Kug thamiy woed Got ke gamuch-much e Pa' ngog me matangiyeg ko gafgow ni gube thamiy. Kugbe tawreng nag walageg, machane rayog ningu guy ko reb sap nib thil'. Bay bo'or ea nen ni ngug fil ko biney e nen nibe buch rog.

Gumanang ni tu'feg rok Somoel nge gapas nira yib. Kemus thingar dfeked boch.

## BITIR

### Mu Me'leg ni Dam Mithmith

**P**resident Monson ke yoeg ni nap'an dabdi mithmith gaed magdad tayed fan, ra yib e thamiy ko gapas nge michaen'dad nib gel' ngak Got Chitamangdad nu Tharmiy. Nge fare Kan ni Thothup era fal'rogon nira ayuw nag dad ningad ayuweged reb e gidii'.

Mu yoloey famu sabathin ko galabthir rom ko ta'areb e rogon ni rayog ni ngam gapas. Ma biney e week ngam gay rogon ni ngam rin' Nge mu', ram yoloey u journal rom marung'agen e thamiy nge chilen kam athapeg.



Mich, Tabinaew, Ayuw

# Ngan Sulweg Rad

*Mu fil e re n'ey, ma rogon nib mangil, mag weliy ko boech e walagey nib ppin ni gabe guy. Mu murwel ko pi duwer ni nge ayuweg nem ni nge gel nag e pi walagem nib ppin man fal'eg fare Relief Society e bang ko yafas rom nib mangil. Ra tin ni ga ba adag ni ngam nang, man ko www.reliefsociety.lds.org.*

**E**profet rodad, President Thomas S. Monson, ke ning ayuw rodad ningad “kii’ pa’dad ngak e gidii’ niba t’uf e ayuw rodad mag chibiy’ raed nga lang nga reb e kanawo’ nge fel’ woen. Mu tay u wun’med ni iraray e muruwel ko Somoel, . . . ma napan gadad be muruwliy e tin ko Somoel, rayog ngodad e ayuw rok Somoel.<sup>1</sup>

Boech i duw kafaram LaVene Call nge visiting teaching companion rok e kar mada’nogew e walagrow ni gathi ri mayib ko misa. Kar tugtu-guyew e mab mar guyew e chitinn- gin ni fel’ yangren nibe ke chuw ko mad ko meluk. Ya’an e mar’, machane kar filew ni magowen rok e ke chingaw. Gali visiting teacher e kar paerew nga but mar nonew ngak fare chitinn- gin nib fel’ yangren nibe gafgow.

Tomuren kar ranow, kar yoegew, “T’ir e bitir ku Got.” Muruwel rodow ningad ayuwegew.” Ere yow ma mada’nag ni gubin ngiyal. Urngin e yay, kar guyew e fel’ mar thamiyew e thiliyeg nib fel’. Kar pinningew fare pinn ninge un ko Relief Society. Ke maerwaer’, machane ke ta’bab ninge yib. Tomuren e ayuw, ir nge

pu’mon rok nge bitir nib pinn kar uned ko misa. Fare figirngiy ke thamiy fare Kan nib Thothup. Ke yoeg, “Bay gu rin’ e tin ni ba yoeg e bishop.” Chiney yaedma un ko Galasia kar m’agew pa’ ulane temple.<sup>2</sup>

## **Ke yib ko pi Chop nib Thothup**

3 Nephi 18:32; Muguy ko Doctrine and Covenants 84:106; 138:56

## **Cheppin Rodad**

Ayuweg e gidii’ ni kar malog ningar sulweg ko Gospel ku Yesus Kristus i’ir e muruwel ko Gidii’en Got ko Tin Tomur Erran nge urn- gin e chongin ko Relief Society. President Brigham Young (1801–77) ke yoeg, “Ngad gayed e gol ufithik- dad nge reb, . . . nge e gidii’ rayog ningar guyed nra powiy’noged e gidii’ kar ma’ew mada’ ko rayog ningar guyed e woenrad bayay.”<sup>3</sup>

Eliza R. Snow, bin la’agruw e Relief Society general president, ke pinning e magar ko muruwel ko urngin e walagen nib pinn ulane Ogden, Utah, USA, ni ngar pii’ed gelngin nga reb. “Gumanang ni bay

bo’or e ban’en ni kam pii’ed [ko e pigpig] ni darma un e [cheppin] babyor,” ke yoeg. Machane bay reb e cheppin u tharmiy ni kan yoloey ko muruwel ko urngin e walagey nib pinn ningar kii’ pa’rad ngak e gidii’ ni kan lumelnog e gum’racha’raed, ke yoeg: “President Joseph Smith ke yoeg ni biney e society kan yarmiy ere rayog ninge thapeg e ya’el. . . . Reb e babyor ni kan yoloey ko michaen’num, gol, nge ngongol nib fel; nge thin. . . . Dariy’ ba’nen ke nag”<sup>4</sup>

## **NOTES**

1. Thomas S. Monson, “The Sacred Call of Service,” *Liahona*, May 2005, 55, 56.
2. Babyor ko e Relief Society general presidency ni ke pii’ bitir nib pinn ko LaVene Call.
3. Brigham Young, in *Daughters in My Kingdom: The History and Work of Relief Society* (2011), 107.
4. Eliza R. Snow, in *Daughters in My Kingdom*, 83.

## **Mange Rayog Nggw Rin?**

**1.** Ba fel’ laniyaen’nug ningu fith e less-active walageg nib pinn ninge un mug waerow nga mo’olung ko Relief Society?

**2.** Fapi walagdad ni gube matangiyrad e yaedma thamiy nib fel’ ni ngan fith e duwer ni marung’agen e gospel?